



ATASSUT

FM 2016/48-1

Steen Lyngø

13. 05. 2016.

Inatsisartut ukiakkut 2017-imi ataatsimiinneranni Naalakkersuisut, aallarnisaasunut suliffeqanillu ingerlatsisunut, aningaaserivitsigut aqqudit naliginnaasut atorlugit attartorsinnaanngitsunut, annikittunik taarsigassarsitsinermik ukiuni sisamani misiliinissaq anguniarlugu, Inatsisissamik saqqummiussinisamik peqquneqarnissaannik aalajangiiffigisassatut siunnersuut. Misiliinerup nalaani Aningaasanut Inatsimmi ukiut tamaasa siunertamut 500.000 kr.-nik immikkoortitsisoqartassaaq. Taarsigassarsiat killilimmik annertussuseqartassapput soorlu 20.000 kr-iniit 100.000 kr-inut. Inatsisissatut siunnersuummi ernialersukkanik taarseraanissamik periusissaq ilanngunneqassaaq, pisortat annasaqarsinnaanerit killilersimaarusullugu. Tamatuma saniatigut Inatsisissatut siunnersuut misileraanerup naanerani nalilersuinissamik piumasaqaammik ilaqassaaq.

**(Inatsisartunut ilaasortaq Naaja H. Nathanielsen, Attaviitsoq)**

Atassut-miit Naaja H. Nathanielsen, Attaviitsoq soqutiginaratumut siunnersuutaanut qujavugut.

Aningaasarsiorluarnikkut inuiaqatigiinni pisariaqartitsivoq atugassarititaasutigut inissisimalluarnissaq aallarnisaasoqartarnissaannut taamatullu ingerlatsinermut tunngasuni.

Amerlasuut misisissuisarnerit takussutissittaareeqaat, inuiaqatigiittut aningaasaqarluarnissamut aqqudit pitsaanerpaaq tassaammat namminersortut inuussutissarsiornerup iluani annertuneriartuinnartarnissaat.

Taamaattumik Atassut-miit isumarput uaniippoq inuussutissarsionerup Kalaallit Nunatsinni ineriartortinneqassasoq, namminersortuusut suli annertunerusumik suliassaqarfinnik tiggummissaqalersinneqarnissaat, ullumikkut pisortat suliffeqarfittut pigisaanniit suliassaqarfittut tiggummineqartunik. Aqqudit ilagivaat namminersortunngorsaanissaq sulifeqarfiit pisortaniit pigineqartunut tunngatillugu aamma unammilleqatigiiffiunerusunik atuutilersitsinissaq, tamatumani pineqarluni inuiaqatigiittut aningaasaaqarnikkut illersorsinnaanerpaaffigisaani.

Siunnersuuteqartup siunnersuummini siunertara ajornannginnerussasoq aallarnisaasut ajornannginnerusumik aallartarsinnaasarnissaat, taamaattumik siunnersuuteqartup kissaatigaa pilersitsisoqassasoq taaneqartartunik taarsigassarsiat killilimmik annertussusilikkat.

Atassut isumaqataavoq, ajornannginnerunissaanik aallartisaanissamut aamma ingerlatsinissamut namminersortunik mikisunik.

Atassut aamma Naalakkersuisut isumaqatigivaat ullumikkut taamatut ajornannginnerusumik tapiissutisinissamut aqqissuussamik peqareemat, periarfissaammallu tapiissutisinnaanissamut kr. 300.000,- tungaanut. Imaapporlu siunnersuut pineqartumiit kr. 100.000,- attartorsinnaanissaq qummut qaangerlugu.

Atassut-miit isummerneq imaatsillugu ajornannginnerussasoq aallarnisaanissamut aamma suliffeqarfimmik ingerlatsisinnaanissamut, taava Atassut-ip isumaa uaniippoqsuliffeqarfinnik aallartisaasinaanissami suli ajornannginnerusumik aqqissuuisinnaasoqarmat, taamatullu suli takujuminarnerusumik tigussaasinnaanersusumillu aamma aallartisarnarup nalaani siunersieqatigisagaqarluarnissamik periarfissaqassasoq.

Arlalippassuit aallartisaasut amigaatigimmassuk pitsaaneruserusumik tigussaaneruserumillu aallartisaaneup nalaani aqqutissiuunneqarsinaasarnissaq. Tamatuma peqatigisaanik pingaartuuvoq aallartisaasunut ataavartumik aqqutissiuunneqartarnissaq imaluunniit siunersieqatigisagaqarluarnissaq, pineqartillugu suliffeqarfeqqamik aallartisaareersimagaanni.

Taamaattumik Atassut-miit immikkut nuannaarutigaarput, Naalakkersuisut allannguutissatut siunnersuummik saqqummiiniarmata, periarfissatut ilanngunneqassammat aallarnisaanerup ingerlaneranni malinnaaffeqatigiinnissaq, tassani aallarnisaasoq ukiut 1-2 tikillugit malittareqatigiissutigisinnaanngorlugu aallartisareertoqarneraniit.

Atassut-miit Naalakkersuisut isumaqatigaagut pineqarnerpaammat aqqutissiuunneqartarnerup aamma siunersieqatigittarnerup periarfissarititaani, tassuunakkut Kalaallit Nunaanni aallartisaasarnarup iluani atugassarititaasut suli ajornannginnerusumik pitsanngorsaaviginiarneqarnerini.

Taamatut naatsumik oqaaseqaateqarluta Atassut-miit siunnersuut taparserneqanngilaq.

Qujanaq oqaaseqarnitsinnut!